

LEEN ETA ORAI.



AIREA: Bidarraitarra nazu bai nai ere....



Izan nauk iparrera ego aldetik,
Iguzkiko partera mendebaletik,
Eta diat ikusi guzien gainetik
Inozentzia ainitz gizonen partetik;
 Abila argatik
 Duk, egundainotik,
 Egin gabe deusik,
Ederkiena bizi bertzen lanetik.

Munduan yarri zuan injustizia,
Nagusitu zelakotz alferkeria;
Zeinbait abilek, ez dek denbora andia,
Beretua zutela mundu au guzia;
 Ik, laboraria,
 Eragin azia
 Eta bil biia?...
Abilarentzat zuan ogi churia!!!!

Aditu diat ere bazka onenak
Ez zituela zaldi nekatzen zenak:
Oilo, oilasko eta oilanda gizenak
Iaten ez zituela azten zituenak;
 Ianari finenak,
 Arno gozoenak,
 Gauza oberenak,
Abilek zituztela iresten denak!

Sortzetik iltzeraino, laboraria,
Uztarri-pean zuan ire tokia,
Eta, beti lanean igatuz bizia,
Irerik ez zukeyan non pausa eria;
 Bertzena guzia....
 Zer injustizia
 Ikaragarria!
Azienden errunkan intzen yarria!

Opoi mendez bedere ola munduan
Gizona gizonaren esklabo zuan!
Abilek ezarria urrezko tronuan
Bazuan bat errege guzien buruan;
 Aren inguruan
 Alferrak zituan
 Bizi deskantsuan,
Eta gu lanarekin beti guduan!

Lagunak, ez duk errech orai sinesten
lenden inozentzia nolakoa zen,
Erregeren naia baldin ala bazen
Miliunka zitian gizonak altchatzen;
 Armak ar-arazten,
 Lerroan ezartzen,
 Gerlarat egortzen,
Eta an inozentek elgar chautzen!

Zinez zorigaitzezko denbora etan
Nolako miseria zen bazterretan!
Pobreak biluziak non nai bidetan,
Otzak eta goseak ilak erdietan!
 Zenbat ama etan
 Aurak besoetan
 Gachoak errestan! ...
Alferrak libertitzen yauregietan!

Etorri zuan bada nozbait orena
Gizona errestatik alchatu zena,

Eta, porroskaturik gate zakarkena,
Bere gizon dretchoak artu zituena
 Au gure aitena
 Duk obra leena
 Eta ederrena:
Gizona esklabotik egin zutena!

Choil ez dik eun urte, lagun maiteak,
Gizonaren errunkan gure yartzeak;
Leen? Batzu nagusi... esklabo bertzeak
Iduri aita baten ez ziren umeak!!!
 Geroztik, yendeak,
 Andiak, chumeak,
 Aberats, pobreak,
Lerro berean gaitik yarri legeak!

Ala dadin aberats, ala pobrea,
Gizona gizonaren duk aurridea,
Eta gu goratzeko bertzen apaltzea
Gure anayari duk laido egitea!
 Elgar aditzea,
 Elgar maitatzea
 Eta laguntzen:
Ori duk egiazko Yainko-legea!

PIARRES ADAME, *Saratarra.*